

**UNIVERZITET U SARAJEVU**

**- SENAT –**

Broj: 01-I-276/05

Sarajevo. 23.02.2005. godine

**Z A P I S N I K**  
**SA 4. SJEDNICE SENATA**  
**ODRŽANE 23.02.2005. GODINE**

Prisutni članovi Senata: Prof. dr. Hasan Muratović, rektor, prof. dr. Ljerka Babić, prof. dr. Mensur Hajro i prof. dr. Nikola Kovač, prorektori, članovi Senata sa visokoškolskih ustanova: prof. Nusret Pašić, prof. Haris Pašović (po ovlaštenju Dekana), prof. dr. Muhamed Hamidović, prof. dr. Dževad Šehić (po ovlaštenju Dekana), prof. dr. Kemo Sokolija, prof. dr. Adnan Silajdžić, prof. dr. Šaćir Filandra (po ovlaštenju Dekana), prof. dr. Izet Rađo, prof. dr. Šefkija Čekić, prof. dr. Elvira Kovač-Bešović, prof. dr. Munib Maglajlić, prof. dr. Samir Arnautović, prof. dr. Ilijas Tanović, prof. dr. Branislav Verbić (po ovlaštenju Dekana), prof. dr. Stjepan Marić, prof. dr. Osman Durić, prof. dr. Selma Ferović, prof. dr. Obrad Šarenac, prof. dr. Vjekoslav Selak, prof. dr. Fikret Karčić (po ovlaštenju Dekana), prof. dr. Muharem Avdispahić, prof. dr. Sulejman Redžić, prof. dr. Mirjana Malić, prof. dr. Faruk Mekić, prof. dr. Faruk Čaklovica i prof. dr. Džemila Čatić, te prof. dr. Faris Gavrankapetanović (KCU) i dr. Enes Kujundžić (NUB).

Ostali prisutni: Izvjestioci po pojedinim tačkama dnevnog reda i Zoran Selesković, dipl.iuris, generalni sekretar.

Odsutni članovi Senata: Prof. dr. Hidajet Repovac, prof. dr. Muriz Spahić i Mladen Šain, predstavnik Unije studenata.

Zasjedanje je počelo u 13,00 sati.

Predsjedavao je prof. dr. Hasan Muratović.

Usvojen je slijedeći

**D N E V N I R E D:**

- 1. Donošenje odluka o davanju saglasnosti na izbore u nastavnička zvanja;**
- 2. Prezentacija trenutnog stanja projekta «Razvoj informacijskog sistema Univerziteta u Sarajevu»:**
  - Komunikacijsko – mrežna infrastruktura Univerziteta,
  - Aplikacija – Studentska služba Univerziteta u Sarajevu i

- Bibliotečki IS;

### **3. Izvještaji o radu komisija za implementaciju Institucionalnog plana razvoja Univerziteta u Sarajevu:**

- 3.1. Komisije za reformu nastavnih planova i programa,
- 3.2. Komisije za uvođenje ECTS-a,
- 3.3. Komisije za izgradnju sistema kontrole kvaliteta,
- 3.4. Komisije za reorganizaciju - novu organizaciju integrisanog Univerziteta i
- 3.5. Komisije za reformu prijema (upisa) na studij i organiziranje ispita.

### **4. Katalog trajanja studija, te stručnih naziva i naučnih zvanja;**

### **5. Donošenje odluke o davanju saglasnosti za univerzitetsko izdanje;**

### **6. Tekuća pitanja.**

## **T O K S J E D N I C E**

### **Ad-1.**

#### **FARMACEUTSKI FAKULTET**

**1.1.** Povodom prijedloga za izbor dr. Armina Škrbe ponovo u isto zvanje - vanredni profesor za drugi predmet «FARMACEUTSKA STATISTIKA», za riječ se javio prof. dr. Sulejman Redžić. Rekao je da je, zabunom, sa Prirodno-matematičkog fakulteta poslan pogrešan dopis u vezi sa mišljenjem o navedenom izboru, te istakao da Nastavno-naučno vijeće Fakulteta nije dalo saglasnost za ovaj izbor (u dopisu koji je dostavljen Univerzitetu navedeno je da se saglasnost daje).

Zatim se vodila kraća rasprava u kojoj su učestvovali: prof. dr. Miroslav Šober, prof. dr. Muharem Avdispahić i prof. dr. Hasan Muratović.

Nakon glasanja za davanje saglasnosti o gore citiranom izboru (14 glasova «za», 4 «protiv» i 9 «uzdržanih» glasova), a pošto je za donošenje pozitivne odluke potrebno 18 glasova «za», **nije se mogla dati saglasnost na izbor dr. Armina Škrbe ponovo u isto zvanje - vanredni profesor za drugi predmet «FARMACEUTSKA STATISTIKA».**

Jednoglasno su **d o n e s e n e ODLUKE** o davanju saglasnosti na slijedeće izbore u nastavnička zvanja:

#### **MEDICINSKI FAKULTET**

**1.2.** Dr. Emine Alimanović-Halilović u zvanje docenta za predmet «OFTALMOLOGIJA». Izvjestilac je bio prof. dr. Mustafa Sefić.

## **ŠUMARSKI FAKULTET**

**1.3.** Dr. Esada Mulavdića ponovo u isto zvanje – docent za drugi predmet «OSNOVI GRAĐEVINARSTVA». Izvjestilac je bio prof. dr. Husno Hrelja.

### **Ad-2.**

Prof. dr. Nijaz Bajgorić je, uz asistenciju dva saradnika obavio prezentaciju trenutnog stanja projekta «Razvoj informacijskog sistema Univerziteta u Sarajevu» i to:

- Komunikacijsko – mrežna infrastruktura Univerziteta,
- Aplikacija – Studentska služba Univerziteta u Sarajevu i
- Bibliotečki IS.

### **Ad-3.**

**3.1.** Prof. dr. Hasan Muratović je konstatovao da je materijal koji je ponudila Komisija za reformu nastavnih planova i programa za pohvalu i obavijestio prisutne da će se o ovom pitanju organizirati okrugli stol s tim što će prof. dr. Mujo Slatina, predsjednik ove Komisije pripremiti konkretan plan i curriculum za dekane koji će prisustvovati okruglom stolu.

Članovi Senata su u potpunosti prihvatili naprijed navedene stavove.

Prof. dr. Mensur Hajro, je povodom ovog materijala, istakao da je potrebno uskladiti termine i dodao da u tu svrhu jako dobro može poslužiti Glosarij čiji je koautor prof. dr. Esma Velagić-Habul. Prof. dr. Hasan Muratović je obećao da će Rektorat obezbijediti za članove Senata navedeni Glosarij.

**3.2.** Prof. dr. Hasan Muratović je, povodom materijala koje je pripremila Komisija za uvođenje ECTS-a, istakao da u istom postoje određena preklapanja sa drugim materijalima, ali ne i suprotnosti. Konstatovao je da na ovom materijalu treba još raditi što je i usvojeno.

**3.3.** O materijalu Komisije za izgradnju sistema kontrole kvaliteta vodila se rasprava u kojoj su učestvovali: prof. dr. Selma Ferović, dr. Enes Kujundžić i prof. dr. Hasan Muratović.

Zaključeno je da o ovoj problematici još treba raspravljati, da se potrebno osloniti na međunarodne standarde, te uvoditi nove tehnike evaluacije.

**3.4.** Prof. dr. Hasan Muratović dao je uvodni osvrt na materijal Komisije za reorganizaciju – novu organizaciju integrisanog Univerziteta. Posebno se osvrnuo na moguću novu strukturu Prirodno-matematičkog fakulteta, a prof. dr. Sulejman Redžić iscrpno je objasnio viđenje organa Prirodno-matematičkog fakulteta o novoj koncepciji ustrojstva ove visokoškolske ustanove, a u svijetlu nove organizacije Univerziteta u Sarajevu.

Zatim se vodila iscrpna rasprava u kojoj su učestvovali: prof. dr. Muhamed Hamidović, prof. dr. Džemila Ćatić, prof. dr. Hasan Muratović, prof. dr. Obrad Šarenac, prof. dr. Muharem Avdispahić, prof. dr. Stjepan Marić, prof. dr. Faruk Mekić, prof. dr. Vjekoslav Selak, prof. dr. Samir Arnautović, prof. dr. Izet Rađo, prof. dr. Elvira Kovač-Bešović, prof. dr. Faris Gavrankapetanović, prof. dr. Faruk Čaklović i dr. Enes Kujundžić.

Na kraju je prof. dr. Hasan Muratović pozvao članove Senata da se izjasne po pojedinim pitanjima istaknutim u raspravi.

- Zaključeno je da se nastavi proces na organizaciji Prirodno-matematičkog fakulteta kako je predloženo u materijalu Komisije sa 23 glasa «za»;
- Farmaceutski fakultet ostaje pri Grupaciji medicinskih nauka pod svojim nazivom, a ne kako je predloženo u materijalu Komisije;
- Nije prihvaćena mogućnost kombinacije «matematika-računarstvo»;
- Prepušta se Filozofskom fakultetu da se opredijeli o svom budućem ustrojstvu;
- Usvojen je koncept Biblioteke kako je predviđeno u materijalu Komisije;
- Prepušta se Arhitektonskom fakultetu da razmotri u koju će se grupaciju svrstati;
- Fakultet sporta i tjelesnog odgoja će, kao i do sada, ostati pri Grupaciji humanističkih nauka.

Svi naprijed navedeni stavovi (osim zaključka pod alinejom 1.) prihvaćeni su jednoglasno.

**3.5.** O materijalu Komisije za reformu prijema na studij i organiziranje ispita vodila se iscrpna rasprava u kojoj su učestvovali: prof. dr. Hasan Muratović, prof. dr. Haris Pašović, prof. dr. Mirjana Malić, prof. dr. Dževad Šehić, prof. dr. Kemo Sokolija, prof. dr. Faruk Mekić, prof. dr. Samir Arnautović, prof. dr. Ilijas Tanović, prof. dr. Osman Durić, prof. dr. Muhamed Hamidović, prof. dr. Fikret Karčić, prof. dr. Branislav Verbić, prof. dr. Nusret Pašić i prof. dr. Adnan Silajdžić.

Prof. dr. Hasan Muratović je, u skladu sa stavovima istaknutim u raspravi, predložio slijedeće zaključke:

- Materijal je u principu dobar jer je dao suštinu reforme koja podrazumjeva stalno praćenje znanja;
- Ispiti se polažu u dva roka, a komisijske ispite je moguće polagati samo iz dva predmeta;
- U materijalu nije precizno definirano kako se upisuje naredna godina studija, te komisija ovu problematiku treba dalje razraditi u skladu sa kreditnim sistemom;
- Što se tiče diplomskog rada, postavlja se pitanje da li je uopšte potreban, a ako jeste preciznije ga definirati;
- U novom sistemu studija nema apsolventskog staža;
- **Za sadašnje studente ostaje pravo da studij nastave kako su ga i počeli**, a ako žele mogu se uključiti i u novi sistem studiranja.

Svi naprijed predloženi zaključci su usvojeni jednoglasno.

#### **Ad-4.**

Prof. dr. Hasan Muratović otvorio je raspravu o **Katalogu trajanja studija, te stručnih naziva i naučnih zvanja**. U raspravi su učestvovali: prof. dr. Faruk Mekić, prof. dr. Samir Arnautović, prof. dr. Haris Pašović, prof. dr. Ilijas Tanović, prof. dr. Hasan Muratović i prof. dr. Kemo Sokolija.

Povodom stavova istaknutih u raspravi prof. dr. Hasan Muratović je predložio, a Senat prihvatio donošenje slijedeće

## **ODLUKE**

Radi usaglašavanja naziva naučnog zvanja koje će se sticati nakon završenih doktorskih studija na svim visokoškolskim ustanovama Univerziteta u Sarajevu, imenuje se ekspertna komisija u slijedećem sastavu:

- Dr. Nikola Kovač, redovni profesor, prorektor Univerziteta u Sarajevu,
- Dr. Kemo Sokolija, redovni profesor Elektrotehničkog fakulteta u Sarajevu,
- Dr. Faruk Čaklovica, redovni profesor Veterinarskog fakulteta u Sarajevu i
- Dr. Sulejmena Redžić, redovni profesor Prirodno-matematičkog fakulteta u Sarajevu.

Prijedlog koji utvrdi Komisija iz prethodnog stava proslijedit će se, na razmatranje, grupacijama srodnih nastavno-naučnih područja Univerziteta u Sarajevu.

#### **Ad-5.**

Senat je u potpunosti prihvatio prijedlog Izdavačkog savjeta i na osnovu istog **d o n i o ODLUKU** o davanju saglasnosti da se slijedeća publikacija izda kao univerzitetsko izdanje:

#### **FAKULTET SPORTA I TJELESNOG ODGOJA**

**5.1.** Monografija «Atletski sedmoboj – strukture i nivoi potencijala» autora doc. dr. Nusreta Smajlovića.

#### **Ad-6.**

**6.1.** Prof. dr. Hasan Muratović je obrazložio prijedlog koji se odnosi na zajedničke promocije nakon čega je jednoglasno donesena slijedeća

### **ODLUKA**

Visokoškolske ustanove Univerziteta u Sarajevu će obustaviti promocije završenih studenata dodiplomskog i postdiplomskog studija, jer će promocije ubuduće biti organizirane na nivou Univerziteta.

Promocije završenih studenata će se obavljati u posljednjoj sedmici mjeseca juna. Promocije će vršiti dekani na zajedničkoj ceremoniji.

Protokol ceremonije zajedničke promocije utvrdit će Rektorat Univerziteta u Sarajevu.

Promocije koje su već zakazane održat će se u utvrđenim terminima na pojedinim visokoškolskim ustanovama Univerziteta u Sarajevu.

**6.2.** Prof. dr. Hasan Muratović osvrnuo se na pismo Univerziteta u Tuzli u kojem se problematizira izrada dvije doktorske disertacije na Fakultetu sporta i tjelesnog odgoja u Sarajevu, a iste su bile odbijene na Univerzitetu u Tuzli (pismo u prilogu).

Prof. dr. Izet Rađo upoznao je članove Senata o svim činjenicama vezanim za naprijed navedeni problem i obrazložio da, što se tiče naših pozitivnih propisa, nije bilo smetnji za prijavljivanje dva sporna doktorata.

Senat je prihvatio obrazloženje prof. dr. Izeta Rađe, pa je zaključeno da se u smislu sa istim odgovori Univerzitetu u Tuzli.

Sjednica je završena u 16,30 sati.

***REKTOR***

***Prof. dr. Hasan Muratović***

Zapisničar:

Jasna Bundalo, dipl.iur.